

Ш И Н С Е Л Ä Н

Нидн боли эн джил төрсн газрун нүүдж ирэд, Приозерн района «Приозерный» совхозин 2-ч фермд. Чарлакт гидг газрт 60-70 хальмг өрк-бүл бүүрлв. Нидн ирсн өрк-бүл-мүдэс 10 гар өрк-бүлнь бачм кевэр бийсдэн гер бэрдж авч үвлзчхалэ.

Эн джил нүүдж ирсн өрк-бүлмүд бас бийсдэн гер бэрдж авхин төлэ шунджацхана. Келхд, 20 күүнэс бүрдсн бригад 60 гар миньгын шавр кирпич цокчкв, 5-6 урчудас бүрдсн, гермүд тосхдг шишлнь бригад бэәнэ. Фермин залач үр Борлга Сандж, гер бэрлгьнд болмарнь дөнъгэн күргнэ. Эн джил 10 гар гермүдин эрс-

мүднь босхгдад, шалдгддж одв.

Болв эн көдлмшт бээх нег дугунь — тосхлтин материал — пол, потолок кедг модн боли нань чигн бээрн газрт уга материалмуд уга. Эн төрт хулд-гүүлгэнэ цуг организац, партийн, советск, профсоюзн органс гол оньган тэвхиг цуг таньгъчар бийсдэн гер бэрджэх улсин нерн деерэс сурдж болхмн. Юньгад гихлэ, эн туск бээдл газр болгьнд адл.

Шинэс өсджэх эн селэнд өсхднь ик эв-аргь бэәнэ; усн өөрхн, хулсн бэәнэ, загьсн бэргднэ, зуг олна нилч, дөнъ кергтэ.

Хөбчин Михаил.